

四庫全書

子部

欽定四庫全書

子部

黃氏日抄卷十五

詳校官中書臣康綸鈞

刑部郎中臣許兆椿覆勘

總校官進士臣楊懋珩

校對官助教臣胡子襄

謄錄監生臣孔繼峯

欽定四庫全書

黃氏日抄卷十五

宋 黃震 撰

讀禮記

檀弓上第三

公儀仲子之喪檀弓免焉仲子舍其孫而立其子檀弓
曰何居我未之前聞也趨而就子服伯子於門右曰仲
子舍其孫而立其子何也伯子曰仲子亦猶行古之道
也昔者文王舍伯邑考而立武王微子舍其孫腓而立

行也夫仲子亦猶行古之道也子游問諸孔子孔子曰

否立孫

免音問舍音捨
居音姬陸如字

免五世親之服以布廣一寸從項中而前交於額上
又卻向後繞於髻居齊魯間語助子服伯子魯仲孫
蔑之玄孫子服景伯○古者死他邦無親則朋友為
之袒免仲子舍嫡孫立庶子檀弓譏其父兄不能正
猶無親也故為之服以示其親而問焉伯子為其親
隱故謂行古道以武王微子為證然文王立武王權

也微子適子死立其弟衍殷禮也孔子曰立孫據周

禮

用鄭氏
馬氏說

事親有隱而無犯左右就養無方服勤至死致喪三年
事君有犯而無隱左右就養有方服勤至死方喪三年

事師無犯無隱左右就養無方服勤至死心喪三年

養以
尚反

隱謂不言其過犯謂犯顏而諫方猶所致喪
盡其至也方喪比方於父也○於親致喪恩
厚而服重也於君方喪資於事父而敬同也於師心

喪如父喪而無服也於養言左右則養無所不至矣
於勤言至死則勤無時或已矣民生於三事之如一
事親幾諫事君直諫父師之養無方隨其所至君之
養有方以事之者非一人不可侵官此則各稱其情
而不同

本鄭氏陳
氏方氏補

季武子成寢杜氏之葬在西階之下請合葬焉許之入
官而不敢哭武子曰合葬非古也自周公以來未之有
改也吾許其大而不許其細何居命之哭

武子魯公子季友之曾孫季孫夙許其大謂聽其葬
階下許其細謂命之哭○季武子夷人家墓以為宅
及杜氏欲合葬則文過謂合葬非古我成寢之時以
此冢墓不須合葬故平之以為寢今合葬則許之許
其葬矣亦許其哭

本鄭氏
孔氏說

子上之母死而不喪門人問諸子思曰昔者子之先君
子喪出母乎曰然子之不使白也喪之何也子思曰昔
者吾先君子無所失道道隆則從而隆道汙則從而汙

伋則安能為伋也妻者是為白也母不為伋也妻者是
不為白也母故孔氏之不喪出母自子思始也

子上名白孔子曾孫子思名伋之子汙猶下○禮為
出母期為父後者不服孔子許伯魚喪出母子思不
許子上喪出母聖人則處情子思則守禮子思答門
人之問自諉於道有隆汙不能及聖人

鄭氏
橫渠

孔子曰拜而后稽顙顙乎其順也稽顙而后拜顙乎其
至也三年之喪吾從其至者

頤音懇
又音畿

稽顙頭觸地無容○拜而后稽顙先致敬也稽顙而

後拜先致哀也三年之喪當先稽顙

田陳氏說

孔子既得合葬於防曰吾聞之古也墓而不墳今丘也
東西南北之人也不可以弗識也於是封之崇四尺孔
子先反門人後雨甚至孔子問焉曰爾來何遲也曰防
墓崩孔子不應三孔子泣然流涕曰吾聞之古不修墓

泣胡
犬反

土高曰墳聚土曰封先反修虞祭也○孔子以不常

在鄉慮久而還不知葬處故封之高四尺以記偶雨而崩故傷之而流涕

用孔氏說

孔子哭子路於中庭有人弔者而夫子拜之既哭進使者而問故使者曰醢之矣遂命覆醢

衛出公輒之變子路死之事見左傳哀公十五年有弔者而拜之孔子為之主也聞子路醢而命覆醢不

忍食也

鄭氏

曾子曰朋友之墓有宿草而不哭焉

宿草陳根謂經年○生物既變慕心可已為師心喪

三年為朋友期也

方氏
鄭氏

子思曰喪三日而殯凡附於身者必誠必信勿之有悔
焉耳矣三月而葬凡附於棺者必誠必信勿之有悔焉
耳矣喪三年以為極亡則弗之忘矣故君子有終身之
憂而無一朝之患故忌日不樂

三日殯三月葬送終之具無不備盡喪三年而極而
死者之形雖亡生者之心終其身弗忘故忌日不樂

無一朝之患謂毀不滅性

鄭氏方氏

孔子少孤不知其墓殯於五父之衢人之見之者皆以
為葬也其慎也蓋殯也問於耶曼父之母然後得合葬

於防

父音甫慎古作羊刃反山陰陸氏讀如字耶側留反又作郛

鄭氏讀慎為引謂葬時引柩飾棺以柳翣殯引以輅
孔子父叔梁紇與顏氏女徵在野合而生孔子徵在
恥焉不告以父之墓處孔子殯於衢如葬而引則用
殯之引使人怪而問之以得其父之墓處愚按家語

明載顏父擇壻而妻叔梁紇叔梁紇魯賢大夫豈有
野合之事史明言禱於尼丘山生孔子豈有野合而
禱神求子之事此篇亦明言問於耶曼父之母亦豈
有外人反怪而問孔子之事況徵在不恥為叔梁紇
之妻反恥言叔梁紇之墓豈人情乎竊意古者墓而
不墳與山俱平孔子少孤莫識其父墓之所在故母
死先殯之問鄰母得墓所在而後合葬之陸農師以
慎讀如字訓誠張橫渠亦謂其殯周密如葬皆得之

矣鄭氏改慎為引蓋惑於野史鄙說不知孔子決無飾偽為鉤鉅之術以不言飮人反揚父母之過也補

鄰有喪舂不相里有殯不巷歌喪冠不綏

相去聲綏又作綏耳佳反

相以聲相助綏冠纓所謂蟬有綏亦作綏○不相不

歌助哀不綏去飾

鄭氏

有虞氏瓦棺夏后氏堅周殷人棺槨周人牆置翬周人以殷人之棺槨葬長殤以夏后氏之堅周葬中殤下殤

以有虞氏之瓦棺葬無服之殤

堅子衆反槨音郭翬所甲反長丁文反

火熟曰聖聖周謂燒土治以周於棺以木為槨周於棺如城之有郭牆柳衣也牆以帷柩而周圍如牆翬羽扇也翬以飾棺而翼蔽如羽蚤死者十六至十九為長殤十二至十五為中殤八歲至十一為下殤七歲以下為無服之殤○易繫辭云古之葬者厚衣之以薪有虞氏始用瓦棺至夏后氏廼以聖周殷人尚梓始以木為棺槨周人又飾之以牆置翬為美觀蓋世愈久而禮愈備長殤而下死者愈少則禮愈殺鄭氏

孔氏馬
氏方氏

夏后氏尚黑大事歛用昏戎事乘驪牲用玄殷人尚白

大事歛用日中戎事乘翰牲用白周人尚赤大事歛用

日出戎事乘騂牲用騂

歛力驗反驪力知反
翰胡旦反騂息營反

大事謂喪翰白色馬○三代所尚色不同夏尚黑殷

尚白周尚赤喪與戎祀皆大事色各如之

用孔氏補

穆公之母卒使人問於曾子曰如之何對曰申也聞諸

申之父曰哭泣之哀齋斬之情饘粥之食自天子達布

幕衛也繆幕魯也

齊音咨 繆之然反 繆音銷 與消同音

穆公魯哀公曾孫曾子名申曾參之子有聲曰哭無聲曰泣為母齊為父斬厚曰饘希曰粥幕覆棺繆繆也○父母之喪貴賤不殊所以自天子達若布幕用布而已繆幕則有旂以參之者兼言魯衛欲其以文質自參酌而用之也

方氏

晉獻公將殺其世子申生公子重耳謂之曰子蓋言子之志於公乎世子曰不可君安驪姬是我傷公之心也

曰然則盖行乎世子曰不可君謂我欲弑君也天下豈
有無父之國哉吾何行如之使人辭於狐突曰申生有
罪不念伯氏之言也以及於死申生不敢愛其死雖然
吾君老矣子少國家多難伯氏不出而圖吾君伯氏苟
出而圖吾君申生受賜而死再拜稽首乃卒是以為共世子
也

驪力知反重直龍反蓋音盍
少詩召反難乃旦反共音恭

驪姬獻公所獲驪戎女申生母蚤卒驪姬嬖焉重耳
申生異母弟後立為晉文公狐突申生之傅舅犯之

父子少謂驪姬之子奚齊不出謂狐突自伐臯落氏
反後懼而稱疾驪姬欲立其子奚齊故譖世子申生
將殺之重耳勸其自辨又勸其行皆不肯而縊謚曰
恭謚法敬順事上曰恭○申生於親可言而不言懼
傷公之心於義可逃而不逃謂天下豈有無父之國
以至忘其躬之不聞而且卹其國之多難可謂恭矣
然不免陷父於不義故未得為孝

陳氏

魯人有朝祥而莫歌者子路笑之夫子曰由爾責於人

終無已夫三年之喪亦已久矣夫子路出夫子曰又多

乎哉踰月則其善也

莫音慕
夫音扶

祥謂喪二十五月大祥夫語助辭○朝祥莫歌子路

笑其太速時人行三年喪者希故孔子抑子路以善

彼人然恐學者致惑待子路出後更以正禮言之云

所爭月日又非多但踰後月禫而後歌即善惜其不

少俟也

集鄭氏
孔氏說

魯莊公及宋人戰于乘丘縣貢父御卜國為右馬驚敗

績公隊佐車授綏公曰未之卜也縣賁父曰他日不敗績而今敗績是無勇也遂死之圍人浴馬有流矢在白內公曰非其罪也遂誅之士之有誅自此始也

來繩證反縣音

玄賁音奔父音甫隊直類反誅力執反

乘丘之戰在魯莊公十年縣卜皆氏右車右勇力者為之此時公敗宋師公非敗績此云馬驚敗績者止是馬驚敗不預軍之勝負釋文作馬驚敗無績字佐車乘公之貳車者公馬驚敗佐車授公以綏而別載

之未之猶言微哉責御者卜國之無勇也故御與車
右皆赴敵而死白肉馬之股裏肉也圉人浴馬見流
矢在白肉知馬中矢而驚非二人之罪誅其赴敵之
功而謚之○敗績非二子之辜死敵實二子之勇豈
以士之賤而廢其善之實莊公以義起而謚之非過
後世因之不改則非故記其始

方氏

曾子寢疾病樂正子春坐於牀下曾元曾申坐於足童
子隅坐而執燭童子曰華而皖大夫之簣與子春曰止

曾子聞之瞿然曰呼曰華而皖大夫之簣與曾子曰然
斯季孫之賜也我未之能易也元起易簣曾元曰夫子
之病革矣不可以變幸而至於旦請敬易之曾子曰爾
之愛我也不如彼君子之愛人也以德細人之愛人也
以姑息吾何求哉吾得正而斃焉斯已矣舉扶而易之
反席未安而沒

皖華版反簣音責瞿紀
具反呼音虛革紀力反

病謂疾困子春曾參弟子元申曾參之子華晝也皖
謂刮削節目使皖然好簣古謂床第橫渠謂必簣席

之類以其可易華而皖必陳之在上顯露也呼虛憊
吹氣聲草急也姑息苟容取安也○童子以其非禮
而發問事師以義也曾元見其疾草而不忍易事父
以恩也曾子必易簣而即沒雖死猶勤於禮也瞿然
而呼者意曾子聞童子之言而吹氣有嘆而然之
意再曰華而皖大夫之簣與童子又言之以荅曾子

曾子即命曾元起易之也

用陳氏補

始死充充如有窮既殯瞿瞿如有求而弗得既葬皇皇

如有望而弗至練而慨然祥而廓然

廓苦郭反

親始死呌地號天無所迨及故曰如有窮既殯尸柩不可復見冀其聲容之髣髴不可得忽焉失之矣故如有求而弗得殯猶在宮既葬於野則遠矣入門弗見也上堂弗見也入室又弗見也皇皇無所依託故如有望而弗至暮年而練慨然追想再暮而祥廓然

寥寞凡記孝子容節

用馬氏補

邾婁復之以矢蓋自戰於升陘始也魯婦人之髴而弔

也自敗於臺鮐始也

婁力俱反陘音形髮側
瓜反臺音胡鮐音臺

邾婁邾子之國復招死者魂戰於升陘魯僖二十二
年鬻凶事去纒而露紒纒所買反用黑緇韜髮廣終幅
長六尺紒音計敗於臺駘魯襄四年臺當為壺春秋
傳作狐鮐○復本以衣今戰死無衣故復以矢弔本
用衰今家各有喪故鬻而弔古者戰陣以禮殺有所
止殺人之多自升陘臺駘始不特記禮之變也

用方
氏補

南宮縚之妻之姑之喪夫子誨之鬻曰爾母從從爾爾

母扈扈爾蓋榛以為笄長尺而總八寸

從音總長
直亮反

南宮緇孟僖子之子南宮閱也字子容其妻孔子兄
之女從從高貌扈扈大貌上爾字汝也下爾字語助
蓋者未定辭笄所以簪紒或用櫛或用榛故稱蓋長
者度長短曰長總者束髮之布垂為飾○夫子以其
兄之女而誨以髻之法母太高廣又誨以笄總之法
吉笄尺二寸齊衰之笄一尺斬衰之總六寸齊衰之
總八寸皆以二寸為差

孟獻子禪縣而不樂比御而不入夫子曰獻子加於人

一等矣

禪大感反
比必利反

孟獻子魯大夫仲孫蔑比及也既禪可作樂而寢於
內獻子禪祭設縣而不作樂比可御內而不入寢故

夫子稱其加於人一等所謂賢者過之也

本孔氏說

孔子既祥五日彈琴而不成聲十日而成笙歌

祥之日鼓素琴故孔子五日而彈琴不成聲哀未忘

也徙月樂故孔子十日而笙歌成者哀已殺也

用方氏鄭

說氏

有子蓋既祥而絲屨組纓

屨音句
組音祖

以絲為屨之絢以組為冠之纓服之吉者也有子服之於既祥失之早也有子孔門高弟疑或不然記者或得於傳聞故曰蓋焉獻子過有子不及記者舉孔

子於中以明祥禮之中制

方氏
季氏

死而不弔者三畏厭溺

厭于
甲反

畏懼而死厭於巖牆而死溺水而死三者皆非正命

故不弔

子路有姊之喪可以除之矣而弗除也孔子曰何弗除也子路曰吾寡兄弟而弗忍也孔子曰先王制禮行道之人皆弗忍也子路聞之遂除之

行道謂道路之人○言除喪有期雖行道之人亦弗

忍除聖人設為中制賢者當抑情而就之

用方氏補

太公封於營丘比及五世皆反葬於周君子曰樂樂其所自生禮不忘其本古之人有言曰狐死正丘首仁也

樂樂下樂字音
洛首手又反

比及也丘狐窟穴也首以首向之也○禮樂皆重本
五世反葬重本也故引禮樂為證又引古人遺言謂
狐死亦正向丘窟而枕其首是亦不忘本而古人舉
此以明仁也

用孔氏說

伯魚之母死期而猶哭夫子聞之曰誰與哭者門人曰
鯉也夫子曰嘻其甚也伯魚聞之遂除之

期音基
與音餘

伯魚孔子之子名鯉除除其服

舜葬於蒼梧之野蓋三妃未之從也李武子曰周公蓋

祔

音父

蒼梧南越地祔合葬也○舜葬蒼梧三妃未從未祔之葬也謂祔葬自周公始然舜卒於鳴條蒼梧時在要荒之外事未必然堯妻舜二女三妃亦無所考

用胡

氏說

魯子之喪浴於爨室

爨室妻之室於此視饔飧○禮死浴於適室於爨室

則褻蓋曾元之禮

大功廢業或曰大功誦可也

業學業誦口習○廢業恐營思忘哀也誦其已熟者

而稍可也

孔氏說

子張病召申祥而語之曰君子曰終小人曰死吾今日其庶幾乎

申祥子張之子○終以道之克盡言死以形之漸盡言子張自幸其得終庶幾君子之道故以語其子亦

猶曾子吾知免夫之意平生學力於斯見矣

用黃氏馬氏說

補

曾子曰始死之奠其餘閣也與

平聲

人老及病飲食不離寢近置室裏閣上人之始死以禮則未暇從其新以情則未忍易其舊故就以閣上

所餘脯醢為奠

合孔氏方氏說

曾子曰小功不為位也者是委巷之禮也子思之哭嫂也為位婦人倡踊申祥之哭言思也亦然

位以親疏叙列而哭妻巷委曲之巷猶言陋巷也言
思子游之子○嫂叔無服姊如小功故子思之哭嫂
其妻倡踊而已隨之申祥哭妻之昆弟言思亦然言
無服之喪猶且為位以明小功之不為位者非也然
哭妻之昆弟禮以子為主非以妻倡踊合孔氏方氏說
古者冠縮縫今也衡縫故喪冠之反吉非古也衡音橫
縮從也衡橫也古尚質冠之吉凶相似而惟縮縫之
同今尚文冠之吉凶相反而有衡縫之異言衡縫而

繼以喪冠非古知衡縫之為喪冠

方氏

曾子謂子思曰伋吾執親之喪也水漿不入於口者七日子思曰先王之制禮也過之者俯而就之不至焉者跂而及之故君子之執親之喪也水漿不入於口者三日杖而後能起

曾子言已執喪以疾時人之不然子思以曾子為難繼故以禮抑之孔子曰三日而食教民無以死傷生

鄭氏
方氏

曾子曰小功不稅則是遠兄弟終無服也而可乎

稅他外反

小功五月服最輕者日月已過始聞喪而追服曰稅
遠兄弟謂相離遠者小功日月不多遠兄弟聞喪常
晚○小功不稅服最輕也曾子篤厚疑聞喪晚而不
追服是小功終於無服為不可按禮聞遠兄弟之喪
既除喪而後聞之則免袒哭之成踊斯為中制然小
功雖不必稅而稅之者亦禮所不禁韓子嘗作小功
不稅書亦曾子之意從厚也

用劉氏
馬氏補

伯高之喪孔氏之使者未至冉子攝束帛乘馬而將之

孔子曰異哉徒使我不誠於伯高

使色吏反
乘繩證反

冉子見孔子使人未至先代以束帛乘馬而行禮以

冉氏之物而欲將孔氏之誠故孔子謂徒使我不誠

於伯高夫禮所以副忠信也

合孔氏方
氏鄭氏說

伯高死於衛赴於孔子孔子曰吾惡乎哭諸兄弟吾哭

諸廟父之友吾哭諸廟門之外師吾哭諸寢朋友吾哭

諸寢門之外所知吾哭諸野於野則已疏於寢則已重

夫由賜也見我吾哭諸賜氏遂命子貢為之主曰為爾哭也來者拜之知伯高而來者勿拜也

惡音烏夫音扶為爾之為去聲

赴告也夫主伯高言之也由因也○廟祖父所在兄弟父祖之遺體故哭於廟父之同志於廟門外由父推之也寢我所安師成我者故哭於寢朋友於寢門外由師推之也所知者泛交故哭於野伯高親非兄弟分非師友情又不止於所知原其由子貢而來見故以義起而哭於子貢之家使子貢為之主且教以

為爾而哭者拜之為伯高而哭者勿拜異於喪之正

主也

用方氏陳氏馬氏說

曾子曰喪有疾食肉飲酒必有草木之滋焉以為薑桂之謂也

滋謂香味薑者草之滋桂者木之滋以為薑桂之謂記者釋曾子之言○居喪有疾得食美味慮其不勝

喪也

孔氏方氏

子夏喪其子而喪其明曾子弔之曰吾聞之也朋友喪

明則哭之曾子哭子夏亦哭曰天乎子之無罪也曾子
怒曰商女何無罪也吾與女事夫子於洙泗之間退而
老於西河之上使西河之民疑女於夫子爾罪一也喪
爾親使民未有聞焉爾罪二也喪爾子喪爾明爾罪三
也而曰女何無罪與子夏投其杖而拜曰吾過矣吾過
矣吾離羣而索居亦已久矣

喪明之喪息浪反女音汝
與音餘離音詈索悉各反

喪明之喪失也明目精也索散也洙泗魯二水名西
河龍門至華陰之地○道莫尊於師恩莫隆於親子

夏退老使民疑於夫子是不尊於師而尊於己也喪
親未有聞而喪子喪其明是不隆於親而隆於子也
曾子數子夏三罪稱其名女其人若父師焉曾子不
以為嫌子夏安受其責至於謝過服罪此所以為交

道之盛

方氏
游氏

夫晝居於內問其疾可也夜居於外弔之可也是故君
子非有大故不宿於外非致齋也非疾也不晝夜居於

內

齊側
皆反

大故謂父母之喪晝陽夜陰陽動陰靜故晝必居外
夜必居內惟居喪廬中門之外晝夜在外惟致齋不
接外物與寢疾晝夜居內

用孔氏
方氏說

高子臯之執親之喪也泣血三年未嘗見齒君子以為

難

見賢
通反

子臯孔子弟子名柴泣血言泣無聲涕如血出未嘗

見齒言不笑君子以為難言人不能然

本鄭
氏

衰與其不當物也寧無衰齊衰不以邊坐大功不以服

勤衰七雷反
當丁浪反

衰喪服也物指布之精麤若周書所謂朝服八十物
七十物當猶應也謂人服衰而心貌無哀戚之實與
衰服之物不相應違偏也不邊坐有喪者專席而坐
大功雖輕亦不可著衰服而服勤勞之事謂褻喪服
也合鄭孔黃
陸張氏

孔子之衛遇舊館人之喪入而哭之哀出使子貢說驂
而賻之子貢曰於門人之喪未有所說驂說驂於舊館

無乃已重乎夫子曰予鄉者入而哭之過於一哀而出涕予惡夫涕之無從也小子行之

說他活反驂七南反鄉許亮反涕音體惡

烏路

反

舊館人前日置館舍於已者驂車之駢馬在服馬之旁者賻助喪用涕出淚○脫驂之禮疑於重是時容行無他物孔子欲副此涕淚之實遂行

鄭氏馬氏

孔子在衛有送葬者而夫子觀之曰善哉為喪乎足以為法矣小子識之予貢曰夫子何善爾也曰其往也如

慕其反也如疑子貢曰豈若速反而虞乎子曰小子識之

我未之能行也

識式志反

慕如嬰兒之慕疑謂傍徨不進哀親之在外不知神之來否子貢意葬畢豈如速反虞祭以安神靈夫子善其哀慕虞祭雖遲不害曰我未之能行抑已以實

彼之可法也

用孔氏胡氏補

顏淵之喪饋祥肉孔子出受之入彈琴而后食之

饋遺也祥肉祥祭之肉彈琴散哀

本鄭氏

孔子與門人立拱而尚右二三子亦皆尚右孔子曰二三子之嗜學也我則有姊之喪故也二三子皆尚左

拱又手尚右以右手在上○喪尚右左陰也孔子以姊之喪尚右二三子不知而倣之以孔子之言而復

正用鄭氏橫渠

孔子蚤作負手曳杖消搖於門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞哲人其萎則吾將安

放夫子殆將病也遂趨而入夫子曰賜爾來何遲也夏
后氏殯於東階之上則猶在阼也殷人殯於兩楹之間
則與賓主夾之也周人殯於西階之上則猶賓之也而
丘也殷人也予疇昔之夜夢坐奠於兩楹之間夫明王
不興而天下其孰能宗予予殆將死也蓋寢疾七日而
沒

放方
兩反

負手曳杖反手卻后以曳其杖消搖消釋搖曳也曳
杖消搖蓋既病間適之德容放猶依也疇發聲也孰

能宗予言無人尊已之道註謂尊為人君失之○孔子以三王之禮占已夢世漸文殯死之所逾遠殷殯兩楹之間孔子殷人夢坐奠兩楹既無宗師其道知其將死而殯也

本黃氏胡氏方氏說

孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服

無服師之禮故疑所服子貢以夫子施於門人者還

以報之定為心喪三年

以鄭氏方氏補

孔子之喪公西赤為志焉飾棺牆置翣設披周也設

崇殷也綢練設旒夏也

披彼義反
綢吐刀反

公西赤字子華志為書記其禮牆障柩之柳衣翣以
布衣木高二尺四寸廣三尺方兩角高白布畫雲氣
柄長五尺如扇置車旁披柩行夾引棺者凡皆周之
制崇謂所建旌旗刻繒為崇牙之飾此殷之制綢練
旌之杠旌之旒縹飾廣充幅長尋曰旒旌載於柩車
此夏之制門人尊夫子無用之或云用三代大夫之

禮耳

鄭氏孔氏胡氏

子張之喪公明儀為志焉褚幕丹質蟻結于四隅殷士也

公明儀子張弟子褚覆棺以幄蟻結畫文如蟻行往來交錯○以丹質布為褚不牆不翬畫褚之四角為

蟻結此殷士葬之飾子張學於孔子倣殷禮

鄭氏孔氏

子夏問於孔子曰居父母之仇如之何夫子曰寢苫枕干不仕弗與共天下也遇諸市朝不反兵而鬪曰請問

居昆弟之仇如之何曰仕弗與共國衛君命而使雖遇
之不關曰請問居從父昆弟之仇如之何曰不為魁主
人能則執兵而陪其後

枕之鵠反衛音
咸才用反

苦草干盾不反兵而關者身常帶兵魁猶首○父母
之仇常若居喪誓不俱生無所往不執兵昆弟之仇
衛君命則不關從父昆弟之仇則陪從其主人情有
重輕也然意此亂世之事記者傳聞之言欲知孔門
言行當主論語

用鄭氏
方氏補

孔子之喪二三子皆經而出羣居則經出則否

經喪之首服出謂適外。雖出外亦首經門人於孔

子然也若常禮惟羣居則經出外則否舉常禮以明

聖門之加厚也

用橫渠說

易墓非古也

易以豉反陸說如字

後世不用昭穆族葬而別葬親於他所

用陸氏說古註易芟治草

木

子路曰吾聞諸夫子喪禮與其哀不足而禮有餘也不

若禮不足而哀有餘也祭禮與其敬不足而禮有餘也
不若禮不足而敬有餘也

喪主哀祭主敬

鄭氏

曾子弔於負夏主人既祖填池推柩而反之降婦人而
后行禮從者曰禮與曾子曰夫祖者且也且胡為其不
可以反宿也從者又問諸子游曰禮與子游曰飯於牖
下小斂於戶內大斂於阼殯於客位祖於庭葬於墓所
以即遠也故喪事有進而無退曾子聞之曰多矣乎

出祖者

填池並如字推昌佳反從才用反與音餘飯煩晚反斂力驗反

負夏衛地祖謂遷柩車向外為行始而設祖奠以俟
明日行填池者池以竹為之衣以青布喪行之飾填
謂懸銅魚行則魚動而躍填塞於池飯者始死之舍
以用米故謂之飯多者委曲之意予者親之之辭出
祖者指負夏主人而言○負夏之喪已出祖將行榮
曾子之來弔再推柩返內而受其弔禮既祖而婦人
降蓋柩車南出階間既空婦人得降立階間今因返

柩婦人避之復升堂從堂更降而后行禮故從者怪而問之曾子為主人諱言祖者且也且則何為不可返從者又問子游子游告以自始死至葬皆即遠以明無返之禮曾子聞之又言多矣乎予負夏主人之出祖者蓋謂其委曲之過終不欲明指其失忠厚之

至也

合孔氏應氏說補之

曾子襲裘而弔子游裼裘而弔曾子指子游而示人曰夫夫也為習於禮者如之何其裼裘而弔也主人既小

歛袒括髮子游趨而出襲裘帶經而入曾子曰我過矣

我過矣夫夫是也

夫夫上音扶下如字

掩而襲衣謂之襲裘露以裼衣謂之裼裘夫夫上助

語之辭下丈夫之夫猶言此丈夫也○弔禮主人未

變服弔用吉服主人既變服始加經於武又掩其上

服若友朋又加帶曾子惟知臨喪無飾一以襲行之

子游於主人變乃變故曾子始疑而終服善

用鄭氏孔氏說

子夏既除喪而見予之琴和之而不和彈之而不成聲

作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉

予羊汝反和之音木或胡卧反

見謂見於孔子○二者雖情異善同俱順禮商也不敢過師不敢不至蓋學之之力也然家語詩傳皆言子夏喪畢夫子與瑟援琴而弦衍衍而樂閔子騫喪畢夫子與琴援琴而弦切切而哀與此不同

陸氏

司寇惠子之喪子游為之麻衰牡麻經文子辭曰子辱

與彌牟之弟游又辱為之服敢辭子游曰禮也文子退
反哭子游趨而就諸臣之位文子又辭曰子辱與彌牟
之弟游又辱為之服又辱臨其喪敢辭子游固以請
文子退扶適子南面而立曰子辱與彌牟之弟游又辱
為之服又辱臨其喪虎也敢不復位子游趨而就客位
為之之為于偽
反適丁歷反

司寇惠子衛將軍文子之弟也麻衰以吉服之布為衰牡
麻即雄麻牡麻絞經與齊衰經同彌牟者惠子之兄

惠叔蘭也虎者彌牟之適子○惠子廢適立庶子游故為重服以感之惠子不悟而辭又趨臣位以深感之惠子始悟而扶適子復位子游乃趨而復客位

用鄭

說氏

將軍文子之喪既除喪而后越人來弔主人深衣練冠待於廟垂涕洟子游觀之曰將軍文氏之子其庶幾乎亡於禮者之禮也其動也中

丁仲反

越人遠國之人主人指將軍文子之子簡子瑕即下

文將軍文氏之子也深衣謂既祥之麻衣緣以布曰
麻衣緣以采曰深衣其制一也練冠未祥之冠自目
曰涕自鼻曰涕亡猶無也中謂當於禮之變節。既
除喪而弔者來文子之子深衣練冠用凶服之變待
於廟受弔而不迎賓本無此禮以義起而為之禮中

於禮之變

合鄭氏
孔氏說

幼名冠字五十以伯仲死謚周道也經也者實也掘中
雷而浴毀窆以綴足及葬毀宗躐行出于大門殷道也

學者行之

綴丁
劣反

雷室中也古者復穴而居開其上以取明而雨露焉
故後世名其室宗廟也行者行神之位也殷人殯於
廟葬則毀廟門西邊牆而出於大門故曰毀宗行神
之位
在廟門西邊告畢躡其壇而出故曰躡行。幼
名所以訓其實冠字所以尊其名伯仲又所以敬其
字死諡則又以易其名凡皆周道也周人浴死用盆
故不掘中雷綴足用燕几故不毀竈殯於正寢至葬

朝廟出正門故不毀宗躐行掘雷而使浴水入坎毀
竈取甕以綴其足使溫毀廟牆告行神躐其壇而出
此皆殷禮孔子殷之後學於孔子者皆行之

合方氏
孔氏說

子柳之母死子碩請具子柳曰何以哉子碩曰請粥庶
弟之母子柳曰如之何其粥人之母以葬其母也不可
既葬子碩欲以賻布之餘具祭器子柳曰不可吾聞之
也君子不家於喪請班諸兄弟之貧者

粥音
育

子柳魯叔仲皮之子子碩其兄具謂葬之器用粥賣

也賻布賻喪之泉布即錢也古謂錢為泉布取其流通○不粥人之母葬其親不以賻布之餘具祭器皆

子柳貧而守義能以兄弟為念

本方氏說

君子曰謀人之軍師敗則死之謀人之邦邑危則亡之謀軍師敗則死之否則陷衆而死而獨全身不可也謀邦邑而危則亡去之危者尚可安避賢使之圖安

也

用方氏說補

公叔文子升於瑕丘蘧伯玉從文子曰樂哉斯丘也死

則我欲葬焉蘧伯玉曰吾子樂之則瑗請前

樂音洛瑗于卷反

公叔文子名拔衛獻公子孫瑗蘧伯玉名二人皆衛

大夫○文子樂瑕丘而欲葬其地伯玉以其妨人之

田故以請前譏之

本鄭氏說

弁人有其母死而孺子泣者孔子曰哀則哀矣而難為繼也夫禮為可傳也為可繼也故哭踊有節

孺子泣言無節傳主在己言繼主在人言○過哀難繼故聖人制為哭踊之節然雜記言哭無常聲如嬰

兒失母此亦言襲歛之後可以禮制

孔氏

叔孫武叔之母死既小歛舉者出尸出戶袒且投其冠
括髮子游曰知禮

武叔公子牙六世孫名州仇嘗毀孔子者括髮在小
歛之後出戶夷于堂之前袒括為欲奉尸也武叔奉
尸後出戶而始袒括不知禮也子游謂其知禮蓋反

言以譏之

本孔氏說

扶君卜人師扶右射人師扶左君薨以是舉

卜注音僕
本又如字

卜古註云當為僕師長也指太僕也按周禮射人犬喪與僕人遷尸應氏謂王前巫後史卜筮皆在左右似不必改方氏謂師衆也扶舉非二人所能勝故以師言之師非長也。卜人右射人左皆切近之職病以是扶死以是舉男子不死於婦人之手也

合應氏游氏說

從母之夫舅之妻二夫人相為服君子未之言也或曰

同爨總

從才用反夫人之夫音扶為于偽反

從母母之姊妹舅之妻母之嫂也此據外甥稱之二

夫人猶言此二人時適此二人同居死相為服此禮

古未明言或謂二人既同爨服總亦可

本正義說

喪事欲其縱縱爾吉事欲其折折爾故喪事雖遽不凌節吉事雖止不怠故騷騷爾則野鼎鼎爾則小人君子

蓋猶猶爾

從古音之折古大兮反方氏陸氏並讀如字

縱縱戒其遽而放之舒也折折懲其緩而約之疾也鄭氏以折音提證以詩之好人提提似改字矣恐非也凌躡也止容止之止詳緩之意也騷騷太疾鼎鼎

太舒猶猶疾舒之中喪事易失之遽放之使縱縱故
雖遽而不至凌節否則太疾騷騷爾而野矣吉事易
失之緩約之以折折故雖止而不至於怠否則太舒
鼎鼎爾而小人矣惟猶猶爾為得疾舒之中

用方氏
說補

喪具君子恥具一日二日而可為也者君子弗為也

不忍死其親故恥具非倉卒可為者不得已而具一

二日可為者弗預為之具

用方
氏補

喪服兄弟之子猶子也蓋引而進之也嫂叔之無服也

蓋推而遠之也姑姊妹之薄也蓋有受我而厚之者也

遠于
萬反

兄弟之子期姑姊妹出適大功。或引或推重親遠
別姑姊妹嫁後薄欲一其心於厚之者唐通典載魏
徵議請嫂叔小功五月報制可程氏曰今之有服亦
是豈有同居之親而無服者

食於有喪者之側未嘗飽也

助哀戚也

鄭氏

曾子與客立於門側其徒趨而出曾子曰爾將何之曰
吾父死將出哭於巷曰反哭於爾次曾子北面而弔焉
徒謂客之旅次舍也北面弔同國之禮○客之徒不
敢發喪於人館曾子使反哭於館而弔之者禮館人
使專之如已有然

用鄭氏說

孔子曰之死而致死之不仁而不可為也之死而致生
之不知而不可為也是故竹不成用瓦不成味木不成
斲琴瑟張而不平竽笙備而不和有鐘磬而無簋簠其

曰明器神明之也

知音智味音沫集
息允反簠音巨

之往也謂送死也竹籩簋之屬古注味當作沫沫饋也謂洗面蓋謂瓦盆不可洗面也愚按瓦陶器也不成味不可盛飲食也恐不必改字無簠簠不縣也橫曰簠植曰簠○恐於死之而不設器為不仁真以為不死而必備可用之器為不智故明器雖設而不同於生人之用神明待之仁智之盡也

補

有子問於曾子曰問喪於夫子乎曰聞之矣喪欲速貧

死欲速朽有子曰是非君子之言也曾子曰參也聞諸夫子也有子又曰是非君子之言也曾子曰參也與子游聞之有子曰然然則夫子有為言之也曾子以斯言告於子游子游曰甚哉有子之言似夫子也昔者夫子居於宋見桓司馬自為石椁三年而不成夫子曰若是其靡也死不如速朽之愈也死之欲速朽為桓司馬言之也南宮敬叔反必載寶而朝夫子曰若是其貨也喪不如速貧之愈也喪之欲速貧為敬叔言之也曾子以

子游之言告於有子曰然吾固曰非夫子之言也
曾子曰子何以知之有子曰夫子制於中都四寸之棺
五寸之槨以斯知不欲速朽也昔者夫子失魯司寇將
之荆蓋先之以子夏又申之以冉有以斯知不欲速貧

也

喪息浪反
為于偽反

喪失位也桓司馬宋向戌之孫名魋靡侈也敬叔魯
孟僖之子仲孫閱嘗失位去魯而得反中都魯邑名
孔子嘗為中都宰為民作制司寇者諸侯三卿司空

無司寇三卿之下五大夫司空之下立小司寇小司
空魯有臧氏為司寇夫子為司寇乃小司寇○貧朽
非人情所欲孔子之言特為二子而發爾有子乃能
以中都與荆之事驗之可謂知言矣

方氏

陳莊子死赴於魯魯人欲勿哭繆公召縣子而問焉縣
子曰古之大夫束修之間不出竟雖欲哭之安得而哭
之今之大夫交政於中國雖欲勿哭焉得而勿哭且臣
聞之哭有二道有愛而哭之有畏而哭之公曰然然則

如之何而可縣子曰請哭諸異姓之廟於是與哭諸縣

氏

繆音木竟音境焉於虔反

陳莊子齊大夫陳恒之孫名伯東修一東之修為通問之禮禮之薄者也○安得哭之以大夫無外交也生既畏之而不敢不與之交則死亦畏之而不敢不為之哭哭其非所當哭之人故哭於非所當哭之廟必哭諸縣氏以其禮之所由起此禮變也

鄭氏方氏

仲憲言於曾子曰夏后氏用明器示民無知也殷人用

祭器示民有知也周人無用之示民疑也曾子曰其不然乎其不然乎夫明器鬼器也祭器人器也夫古之人胡為而死其親乎

仲憲原憲也○明器祭器各用亦三代之所無用非獨周無用之也故曾子重言其不然示民無知之語尤非所以訓故又專言古之人胡為而死其親

補

公叔木有同母異父之昆弟死問於子游子游曰其大功乎狄儀有同母異父之昆弟死問於子夏子夏曰我

未之前聞也魯人則為之齊衰狄儀行齊衰今之齊衰

狄儀之問也

木式樹切
又音朱

同父母既服期同母宜降等服大功或謂大功已過

子游曰其大功乎疑所服也而況於齊衰其非禮明

矣

鄭氏孔氏
橫渠補

子思之母死於衛柳若謂子思曰子聖人之後也四方
於子子觀禮子蓋慎諸子思曰吾何慎哉吾聞之有其
禮無其財君子弗行也有其禮有其財無其時君子弗

行也吾何慎哉

子思母嫁衛柳若衛人此言為嫁母服也嫁母之服期然以此言觀子思蓋有行之而不備者矣尊統於父故父在為母期以厭降於父母出嫁而其禮之行有所不備以為母絕於父財所以備禮無其時謂勢不可行孟子言不得不可以為悅者也

游氏方氏

縣子墳曰吾聞之古者不降上下各以其親滕伯文為孟虎齊衰其叔父也為孟皮齊衰其叔父也

瑣縣子名降者降服周禮已貴則降賤者之服古謂
殷時上謂旁親族曾祖從祖及伯叔之班下謂從子
從孫之流滕伯文殷時滕君名文滕伯文為諸侯而
服其叔父皆齊衰殷不降服也

方氏

后木曰喪吾聞諸縣子曰夫喪不可不深長思也買棺

外內易我死則亦然

易以
豉反

后木魯孝公子惠伯鞏之後外內易謂斲削外內使

之平易此后木述縣子之言以屬其子也

鄭氏
孔氏

曾子曰尸未設飾故帷堂小斂而徹帷仲梁子曰夫婦方亂故帷堂小斂而徹帷

仲梁子魯人。人死斯惡之矣未設飾而帷堂防人之惡也記者併存仲梁子之說以傳疑

方氏胡氏

小斂之奠子游曰於東方曾子曰於西方斂斯席矣小斂之奠在西方魯禮之未失也

士喪禮小斂之奠設於尸東以萬物生於東未忍死其親也變而在西方魯末世失禮也大斂奠於堂

有席始死之奠未暇備禮曾子以為斂斯席亦非

方氏

縣子曰綌衰總裳非古也

總音歲

綌麤葛總布之細而疏者。五服一以麻各有升數。若以綌為衰以總為裳則取其輕涼而已。故曰非古。子蒲卒哭者呼。臧子臯曰若是野哉。哭者改之。

臧者子蒲名或疑非名但以死有臧絕之義呼而哭之。子臯高柴也。○哭呼名非禮。子臯非之乃改。

杜橋之母之喪。宮中無相以為沽也。

相息亮反沽音古

相贊禮者也。沽略也。方氏謂即沽酒之沽，以非自致，故訓略也。○孝子悲迷禮，須贊相杜橋居母喪，無之，故謂其於禮為略。

孔氏說

夫子曰：始死，羔裘玄冠者，易之而已。羔裘玄冠，夫子不以弔。

始死，即易去吉服，不特喪者易之弔者亦所不服。方氏：子游問喪具，夫子曰：稱家之有亡子。游曰：有無惡乎？齊夫子曰：有母過禮，苟亡矣，斂首足形，還葬縣棺而封人。

豈有非之者哉

稱尺證反七音無齊才細反又如字
還音旋縣音玄封古音寔王如字

稱猶隨也齊言多寡之齊還便也言已斂即葬縣棺
謂不設碑綽手縣而下之封者復土以閉瘞之名不
必改為寔字○富而有者毋得過禮貧而亡者斂其
首足不令露見即葬之此有無之齊也

補

司士賁告於子游曰請襲於牀子游曰諾縣子聞之曰
汰哉叔氏專以禮許人

賁音
奔

士賁人名襲謂斂死者以衣汰自殓也○子游之言

合禮而縣子譏其汰者以其不稱先王而尊輒許諾

如禮出於己

本孔氏說

宋襄公葬其夫人醯醢百甕曾子曰既曰明器矣而又實之

神明之器當虛

孔氏

孟獻子之喪司徒旅歸四布夫子曰可也

獻子魯大夫仲孫蔑司徒其家臣旅下士布泉布

賻布有餘使下士歸還於四方賢於家夫喪者未若

班諸兄弟之貧者為善故聖人止以為可

方氏

讀贈曾子曰非古也是再告也

以利冒死曰贈○古者奠而不讀周則既奠又讀焉

故曾子非之以為再告古禮祖而讀贈

方氏

成子高寢疾慶遺入請曰子之病革矣如至乎大病則如之何子高曰吾聞之也生有益於人死不害於人吾雖生無益於人吾可以死害於人乎哉我死則擇不食

之地葬我焉

革紀力反
遺于李反

成子高齊大夫國成伯高父也慶遺者慶封之族不食之地謂不可耕墾者○死且不忍妨人則生之愛

人可知

方氏

子夏問諸夫子曰居君之母與妻之喪居處言語飲食

行爾

衍告
早反

行爾自得貌○喪雖輕惻隱不至則有之未有居之

而樂者子夏失問夫子是以不答

山陰
陸氏

賓客至無所館夫子曰生於我乎館死於我乎殯

生於我館死於我殯朋友始終之義

方氏

國子高曰葬者藏也藏也者欲人之弗得見也是故衣足以飾身棺周於衣槨周於棺土周於槨反壤樹之哉壤封土為墳樹種木為表○子高言葬期人之不得見豈可反封樹以表之然周官以爵等為丘封之度

為其樹數此言古始非周禮也

鄭氏馬氏

孔子之喪有自燕來觀者舍於子夏氏子夏曰聖人之

葬人與人之葬聖人也子何觀焉

與合平聲屬上合讀

言若聖人葬人庶有異聞若人之葬聖人與常人何

異而予觀之

王氏

昔者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉馬鬣封之謂也今一日而三斬板而已封尚行夫子之志乎哉

若堂形四方而高若坊形旁殺而長坊堤也若覆夏屋形旁廣而卑覆謂茨瓦夏屋謂門廡也若斧形旁殺刃上而長俗名又謂之馬鬣封功愈易而虧愈難

矣三斬板作墳法也安板兩邊用繩約板令直納土板中築土令與板平斬所約板繩更置其上而再築一日之功如此者三而墳之封築已成○此子夏旣告燕以人之葬聖人子何觀復述聖人言葬之說以告之見事惟從簡而門人不過從夫子之志此亦答其來觀之意也

補

婦人不葛帶

葬後卒哭變麻易葛帶婦人質所重在要帶故不易

用葛帶至期竟除之

禮氏

有薦新如朔奠

薦時物之新如月朔之奠重之也

用禮氏

既葬各以其服除

禮三月而葬若三月之服應除者不待主人卒哭

孔用

氏

池視重霤

池者柳車之池重霤者屋之承霤以木為之承屋霤

入木中又從木中雷於地故名重雷生時既屋有重
雷以行水死時柳車亦象之於車覆鼈甲之下幬帷
之上織竹如籠衣以青布承鼈甲名池天子四面諸
侯三大夫前後二士唯前一各視生時之重雷

孔氏

君即位而為柩歲壹漆之藏焉

柩蒲
歷反

柩櫬也親尸者歲一漆示如未成藏焉惡人見

孔氏
方氏

復楔齒綴足飯設飾帷堂並作父兄命赴者

楔悲節反
綴竹劣反

復招魂也楔齒用角柶柱其齒使含時不閉綴足用

几綴其足使著屨時得直飯含也設飾襲歛也五者並作於帷堂之時已而父兄使人往赴告於人

合鄭氏陸氏說

君復於小寢大寢小祖大祖庫門四郊

復始死而招其魂也小寢高祖以下之寢大寢始祖大祖之寢小祖高祖以下之廟大祖始祖大祖之廟復必於寢廟人死必反本故也庫門生時所出入也四郊魂氣無所不之也人君禮備故復處多皆他日

所嘗有事之地也

鄭氏孔氏方氏

喪不剝奠也與祭肉也與

餘音

剝猶裸喪祭必巾覆之不裸露者謂祭肉易受塵垢

脯醢則否

孔氏方氏

既殯旬而布材與明器

既殯旬殯後十日也布班也班布槨材與明器之類

為葬備

用孔氏說

朝奠日出夕奠逮日

朝奠象朝時之食夕奠象夕時之食逮日者及日未

沒方氏

父母之喪哭無時使必知其反也

使古說謂出使而告反馬氏謂哭者聲也聲為陽所以能使魂氣之反方氏謂哭者所以求其反哭之無時欲使死者必知其反而已未知孰是然古說於經文不甚協

練練衣黃裏綌緣葛要經繩屨無紃角填鹿裘衡長祛

祛祛之可也

綌元綌反緣說綌反要一遠反紃具俱反填吐練反衡依注作橫華彭反祛起魚反

欽定四庫全書

黃氏日抄

四十七

練小祥也練衣者正服不可變練其中衣以承衰也
黃裏者中衣以黃色為袷裏也縗緣者縗淺絳色緣
謂衣領及袷緣以淺絳色為領袖緣也葛要經者小
祥男子去首經唯餘要葛也繩屨者始死管屨至小
祥用繩麻屨也紼屨頭之飾吉有而喪無紼也角瑱
者瑱以玉充耳初喪去之至小祥微飾以角為之也
鹿裘者冬時吉凶衣裏皆用大鹿皮為之也衡長祛
者祛謂袖緣袂口小祥前裘狹而短袂又無飾小祥

後更為之裘既橫廣之又長之且為祛加此三法也
裼謂裘上又加衣所以表裘有祛而裼之以見鹿裘
之美備飾也袒而有衣曰裼○此明小祥後外仍用
衰衰內有練中衣練中衣內有裼衣裼內有鹿裘鹿
裘內自有常著襦衣

孔氏

有殯聞遠兄弟之喪雖總必往非兄弟雖鄰不往所識
其兄弟不同居者皆弔

家有殯則於弔喪不輕往總最輕也兄弟雖總必往

親骨肉也鄰最近也非兄弟雖鄰不往疏無親也所
識謂非兄弟又非疏外乃平生識知往來之人今若
身死者兄弟雖不同居亦就往弔之成其死者之恩

舊也

鄭氏
孔氏

天子之棺四重水兕草棺被之其厚三寸槨棺一梓棺

二四者皆周

槨羊
支反

四重者水牛兕牛之革以為棺被革各厚三寸共六
寸此為一重槨棺者槨棺也為一重屬棺大棺皆梓

為之屬一重大棺一重凡四重皆周匝

鄭氏

棺束縮二衡三衽每束一柏槨以端長六尺

棺束者古無釘用皮束合之為固也縮二者縮縱也縱束者二行也衡三者衡橫也橫束者三行也衽每束一者衽小要也兩頭廣中央小謂鑿棺邊及兩頭合處作坎形以小要連之令固也柏槨以端者積柏材作槨並葦端頭從下壘上木頭相向作四阿也長六尺者其木每段長六尺也

孔氏

天子之哭諸侯也爵弁經紼衣或曰使有司哭之為之

不以樂食

紼則其反

爵弁即韋弁其色如爵經衍字也天子至尊服麻不

加於采紼衣即緇衣○此言諸侯薨於國天子遙哭

之為之食不舉樂

胡氏孔氏

天子之殯也敢塗龍輅以梓加斧於梓上畢塗屋天子

之禮也

敢才官反輅勑倫反

敢叢也敢塗用木叢棺而四面塗之也輅喪車也龍

輜者畫龍於輜車之轅也以槨者題漆叢木而象槨之形也斧謂繡覆棺之衣為斧文也先取四面為槨上與棺齊而上猶開以棺衣從槨上入覆於棺故云加斧於槨上斧覆既竟又四注為屋覆上而下四面盡塗之天子之殯如此

孔氏

唯天子之喪有別姓而哭

別彼列切

同姓異姓庶姓各相從為位

鄭氏

魯哀公誅孔丘曰天不遺耆老莫相予位焉嗚呼哀哉

尼父

左傳所錄有屏余一人之語今記脩之如此

陸氏

國亡大縣邑公卿大夫士皆厭冠哭於大廟三日君不

舉或曰君舉而哭於后土

厭于業反

厭冠喪冠舉舉樂○師敗失地以喪禮處之

鄭氏

孔子惡野哭者

惡烏路反

哭非其地謂之野

孔氏

未仕者不敢稅人如稅人則以父兄之命

稅人謂以物遺人

釋文

士備入而後朝夕踊祥而縞是月禫徙月樂

士卑最後入言諸臣畢入乃俱踊大祥而縞冠是月

禫祭踰月樂作

孔氏說

君於士有賜帝

帝小幕以承塵士惟恩賜乃得有

鄭氏

檀弓下第四

君之適長殯車三乘公之庶長殯車一乘大夫之適長

殯車一乘

適丁歷反
長丁丈反

皆下於成人也車謂遣車載遣奠祭牲送亡者

鄭氏孔氏

公之喪諸達官之長杖

長下丈反

達謂得自通於君者

晦菴

君於大夫將葬弔於宮及出命引之三步則止如是者

三君退朝亦如之哀次亦如之

宮殯宮朝謂柩朝廟而將廢之時次待賓客次舍○

君於大夫將葬而弔孝子攀號君命引其柩使行奪

孝子之情使出葬也如是者三而君退或弔於朝廟

之時及弔於次舍皆然

用孔氏補

五十無車者不越疆而弔人

五十始衰不徒行遠弔

鄭氏孔氏

季武子寢疾矯固不說齊衰而入見曰斯道也將亡矣

士唯公門說齊衰武子曰不亦善乎君子表微及其喪

也曾點倚其門而歌

矯居表反說他活反

季武子魯大夫季孫夙強僭如君時人畏之入其門

者皆說衰蟜固不脫衰而問其疾且謂著衰入大夫之門此道將亡武子不得已佯善之表明也謂斯道之微君子能表明之。季孫夙之疾蟜固不說齊衰而入見示之以凶而欲其死也季孫夙之死曾點倚其門而歌示之以吉而樂其死也季孫強僭二賢疾之如此不畏強也

陳氏

大夫弔當事而至則辭焉

大夫弔於士士當殯歛之事則辭以告

弔於是日不樂婦人不越疆而弔人行弔之日不飲酒食肉焉

哀樂不同日婦人無外事

鄭氏

弔於葬者必執引若從柩及壙皆執紼

車索曰引柩索曰紼引唯在路用之下壙執紼

方氏

喪公弔之必有拜者雖朋友州里舍人可也弔曰寡君承事主人曰臨

公弔臣喪須往拜謝若無主後友朋同州里及喪家

典舍之人皆可往拜弔者曰助執事謝者曰辱降臨

孔氏

君遇柩於路必使人弔之

遇凡民之喪於路亦弔之君於民有父母恩也

鄭氏

大夫之喪庶子不受弔

避嫡也

孔氏

妻之昆弟為父後者死哭之適室子為主袒免哭踊夫
入門右使人立於門外告來者狎則入哭父在哭於妻
之室非為父後者哭諸異室

適室正寢也來者來弔者也。○妻之兄弟子之舅也
子於舅服總麻故使為主夫即其子之父對妻而言
故曰夫其入門右者以辟為主之處示無二主也哭
則鄰里聞者來弔故使人立門外告以哭之由若狎
熟者來則使人與俱哭父在哭於妻之室不以私喪
干尊也非為父後哭於別室別於適也鄭氏
有殯聞遠兄弟之喪哭於側室無側室哭於門內之右
同國則往哭之

遠兄弟謂異國而居者也哭於側室遠殯宮也哭於門內之右不居主位示為之變也凡皆不得而往哭

故也若同國則往哭

用方氏說

子張死曾子有母之喪齊衰而往哭之或曰齊衰不以

弔曾子曰我弔也與哉

與音餘

或人以曾子於子張無服而非之曾子答以我非以乃以朋友哀痛而哭之耳愚按齊衰者曾子為母服非為弔子張而服也往哭者友朋哀痛之情特就因

其服而往非特以此服行弔禮也諸家乃以曾子之言為文過夫曾子乃以魯稱於禮文之末未必盡合然曾子於子張之死也乃用情於或人之答也乃言情曾子豈文過者哉

補

有若之喪悼公弔焉子游擯由左

悼公魯哀公之子擯相禮者在主曰擯在客曰介

吉事尚左凶事尚右主居右而擯相者由左子游如

左是知禮也

孔氏方氏說

齊穀王姬之喪魯莊公為之大功或曰由魯嫁故為之服姊妹之服或曰外祖母也故為之服

穀音告古毒反按古注云當作

告聲誤也

王姬周女齊襄公夫人穀即告告者以喪告也莊公齊襄公女弟文姜之子。天子女下嫁諸侯必以同姓諸侯為主此王姬所以由魯而嫁以其嘗為之主故喪則必告告則必為之服而或以為外祖母故服故兼錄之傳疑也

用方氏補

晉獻公之喪秦穆公使人弔公子重耳且曰寡人聞之
亡國恒於斯得國恒於斯雖吾子儼然在憂服之中喪
亦不可久也時亦不可失也孺子其圖之以告舅犯舅
犯曰孺子其辭焉喪人無寶仁親以為寶父死之謂何
又因以為利而天下其孰能說之孺子其辭焉公子重
耳對客曰君惠弔亡臣重耳身喪父死不得與於哭泣
之哀以為君憂父死之謂何或敢有他志以辱君義稽
顙而不拜哭而起起而不私子顯以致命於穆公穆公

曰仁夫公子重耳夫稽顙而不拜則未為後也故不成拜哭而起則愛父也起而不私則遠利也

喪亦息浪反後同與於音

餘顯呼
遍反

喪謂失位舅犯重耳舅狐偃也○晉獻公殺世子申

生重耳避難在翟獻公死秦穆公使人就弔之欲納之重耳問於舅犯而辭焉不因父喪而利其國故終

能復國而霸

補

惟殯非古也自敬姜之哭穆伯始也

穆伯魯大夫季悼子之子敬姜其妻也禮朝夕哭不帷敬

姜遠嫌始帷

本孔氏說

喪禮哀戚之至也節哀順變也君子念始之者也

始猶生也始而生之者親也○哀之至喪之正也節

哀者念父母生已不敢以死傷生也

本鄭氏說

復盡愛之道也有禱祠之心焉望反諸幽求諸鬼神之道也北面求諸幽之義也

復者招始死之魂有禱祠之心冀其復也復者北面

而呼北為陰幽求諸鬼神之義冀其復從幽而還也

用鄭
說補

拜稽顙哀戚之至隱也稽顙隱之甚也

稽音
啓

稽顙首觸地無容隱痛也

鄭氏

飯用米貝弗忍虛也不以食道用美焉耳

飯扶
挽反

死者飯之不忍虛其口不用飯食之道而用米與貝

用其美者也

孔氏
說

銘明旌也以死者為不可別已故以其旗識之愛之斯

錄之矣敬之斯盡其道焉耳重主道也殷主綴重焉周主重徹焉奠以素器以生者有哀素之心也

別彼列反識式至反

綴丁劣反
又丁衛反

凡銘所以為名明旌謂之銘以死者書名焉死者無形貌可以識別故書之於旗以表之旗即銘旗愛之故錄其名敬之故無所不盡其道也重亦木為之如木主重設於始死之時有柩而又設之重故謂之重主立於既虞之後有廟而必立之主故謂之主殷既

作主猶聯綴其重以縣於廟不忍棄也周既作主即徹重而埋於門外之道左不敢瀆也奠祭悉用素器

以表哀素之心

本方氏說

唯祭祀之禮主人自盡焉爾豈知神之所饗亦以主人有齊敬之心也

此言祭祀未必神之來饗惟當盡齊敬之心然愚恐

非所以訓孔子曰祭如在

補

辟踊哀之至也有算為之節文也袒括髮變也愠哀之

變也去飾去美也袒括髮去飾之甚也有所袒有所襲

哀之節也

辟裨亦反
愠紆粉反

撫心為辟跳足為踊男踊女辟哀痛之至也一踊三

跳士則三踊此有算數為之節文恐其毀滅性也袒

去其衣括髮投其冠變其常也愠悶而至辟踊又哀

之變也去華飾變其常也去飾而至於袒括髮又去

飾之甚也袒而復襲又以節哀也

合孔氏
方氏說

弁經葛而葬與神交之道也有敬心焉周人弁而葬殷

人嘏而葬

嘏况甫反

厭冠麻經居喪之禮也至於葬則以弁易厭冠以葛易麻經者喪致哀親之也葬則有敬心焉喪事遠以神明待之也周之弁猶殷之嘏皆象祭冠以易喪冠而葬也

合方氏陸氏說

歆主人主婦室老為其病也君命食之也

歆昌悅反食音嗣

歆歆粥也主人亡者之子主婦亡者之妻室老家之長相三者皆大夫之家貴為其哀劇而病也故親喪

三日之後君命食之食之者使之歡粥也

本方氏說補

反哭升堂反諸其所作也主婦入於室反諸其所養也
反哭之弔也哀之至也反而亡焉失之矣於是為甚殷
既封而弔周反哭而弔孔子曰殷已慤吾從周

養羊尚反封古

音寔

此言既葬而反哭也主人升堂求諸其舊所行禮之
處主婦入室求諸其舊所饋食之處反而不復見其
親其痛於是為甚於是乎弔之殷甫葬而即弔於壙

則已質慤周待其反哭而後弔於家孔子從之

用方氏補

葬於北方北首三代之達禮也之幽之故也

北方國北北首嚮北三代皆然北幽故也上之字訓

往下之字語助

用古注補

既封主人贈而祝宿虞尸既反哭主人與有司視虞牲有司以几筵舍奠於墓左反日中而虞葬日虞弗忍一

日離也是日也以虞易奠

舍音釋離力智反

贈以幣送死於壙也宿猶戒也以事戒之曰戒以期

戒之曰宿几以依神筵坐神席也舍釋也奠置也○
既寔而贈則虞祭有期矣故祝先反而宿戒虞尸主
人既反哭而省視虞牲留有司別祭墓以禮其神而
主人即於葬之日歸虞祭於家以代未葬時朝夕之

奠

用方氏
孔氏補

卒哭曰成事是日也以吉祭易喪祭明日祔於祖父其
變而之吉祭也比至於祔必於是日也接不忍一日未
有所歸也殷練而祔周卒哭而祔孔子善殷

比必
利反

既虞之後卒哭而祭成事者成祭事也祭以吉為成
祔於祖父告廟也孔子善殷期而後神之人情也古
人之祔非遂徹几筵故有日祭猶定省之禮如親之
存既除喪而後主遷於新廟

鄭氏程氏
朱氏呂氏

君臨臣喪以巫祝桃茢執戈惡之也所以異於生也喪
有死之道焉先王之所難言也

桃辟惡茢菑帚也掃不祥戈所以刺故君臨臣喪巫
執桃祝執茢小臣執戈以先喪有死之道而惡之也

然臣死君親哭之所以致忠愛而乃惡之非禮也周

之末造也

合孔氏
劉氏說

喪之朝也順死者之孝心也其哀離其室也故至於祖

考之廟而後行殷朝而殯於祖周朝而遂葬

離力
智反

朝謂將葬以柩朝廟。人子出必告死將葬亦朝廟

順其生時之孝心也又死者神靈悲哀棄離其室故

至祖考之廟辭而後行殷朝而就殯於廟周殯於賓

階將葬方朝朝而遂葬

孔氏
方氏

孔子謂為明器者知喪道矣備物而不可用也哀哉死者而用生者之器也不殆於用歟乎哉其曰明器神明之也塗車芻靈自古有之明器道也孔子謂為芻靈者善謂為俑者不仁不殆於用人乎哉

殆幾也塗車以塗為之而不可運芻靈束芻草略似人形俑者木偶類生人之形者也。明器備而不可用芻靈似而不為人後世明器改而用生者之器芻靈改而用木偶之人故流而至於用生人殉死者之

葬孔子推其漸而哀之

用此說補

穆公問於子思曰為舊君反服古與子思曰古之君子
進人以禮退人以禮故有舊君反服之禮也今之君子
進人若將加諸膝退人若將隊諸淵毋為戎首不亦善
乎又何反服之禮之有

為于偽反與
音餘隊音墜

戎首謂為他國主兵來攻伐○子思對魯穆公與孟
子告齊宣王略相類蓋世衰道微君多虐其臣彼此
之情渙散不屬故警其君以上下相為感應之理若

其所以自處不容如是之薄也

應氏

悼公之喪季昭子問於孟敬子曰為君何食敬子曰食
粥天下之達禮也吾三臣者之不能居公室也四方莫
不聞矣勉而為瘠則吾能毋乃使人疑夫不以情居瘠
者乎哉我則食食

疑夫音扶食食
上如字下音嗣

悼公魯哀公之子昭子季康子之曾孫名強敬子孟
武伯之子名捷三臣孟孫叔孫季孫不能居公室不
能以臣禮事君也。無事食食以養生居喪食粥以

為瘠季昭子久矣無君居君喪不食粥舍曰不能而

為之詞

用方氏
陸氏說

衛司徒敬子死子夏弔焉主人未小斂經而往子游弔
焉主人既小斂子游出經反哭子夏曰聞之也與曰聞
諸夫子主人未改服則不經

敬子公子許之後○弔必候主人改服乃經

鄭氏

曾子曰晏子可謂知禮也已恭敬之有焉有若曰晏子
一狐裘三十年遺車一乘及墓而反國君七人遣車七

乘大夫五个遣車五乘晏子焉知禮曾子曰國無道君

子恥盈禮焉國奢則示之以儉國儉則示之以禮

遣乘戰反

馬於度反

个謂所包遣奠牲體之數七个五个謂以牲體折為
七段五段遣車七乘五乘以牲段折而分載之一个
一乘也。晏子一裘三十年儉於已可也大夫遣車
五乘晏子之父晏桓子大夫也葬之遣車止一乘儉
於其親不可也曾子以晏子恭敬為知禮則是以晏

子之儉為知禮則非宜乎為有若之所難

合陳氏方氏說

國昭子之母死問於子張曰葬及墓男子婦人安位子張曰司徒敬子之喪夫子相男子西鄉婦人東鄉曰噫母曰我喪也斯沾爾專之賓為賓焉主為主焉婦人從

男子皆西鄉

相息亮反鄉許亮反斯沾古皆去聲今如字

國昭子齊大夫子孔子噫不寤聲毋禁止辭斯沾古以斯為斯盡之斯以沾為覘視之覘云齊之大家有事人盡視之不獨兩字皆改經文而且上文之母曰

與下文之專之義不相貫竊意皆合如字斯此也沾
爾者沾沾然之類率爾而專輒為之也國昭子不聽
子張西鄉東鄉之說而自主皆西鄉之說故先之曰
毋謂我之喪而率然自專之也禮分賓主而男女皆
西鄉者賓主之禮也○禮重男女之別雖在喪紀莫
不各正其位司徒敬子之喪夫子為相固嘗行之而
國昭子徒為賓主之辯曾無男女之別失禮不亦甚

乎方

氏

穆伯之喪敬姜晝哭文伯之喪晝夜哭孔子曰知禮矣
穆伯於敬姜夫也喪止晝哭文伯於敬姜子也喪晝
夜哭孔子以為知禮

方氏

文伯之喪敬姜據其牀而不哭曰昔者吾有斯子也吾
以將為賢人也吾未嘗以就公室今及其死也朋友諸
臣未有出涕者而內人皆行哭失聲斯子也必多曠於

禮矣夫

扶音

未嘗就公室言未嘗到公室觀其行內人妻妾行哭

行哭泣之禮。朋友諸臣不出涕而內人皆哭失聲。則平日所好可見。故其母敬姜不哭。上云晝夜哭此。

不哭者暫時也。

方氏
鄭氏

季康子之母死。陳褻衣。敬姜曰：婦人不飾，不敢見舅姑。將有四方之賓來，褻衣何為？陳於斯，命徹之。

敬姜者，康子從祖母。以康子失禮，命徹之。

方氏

有子與子游立見孺子慕者，有子謂子游曰：予壹不知夫喪之踊也。予欲去之久矣。情在於斯，其是也。夫子游

曰禮有微情者有以故興物者有直情而徑行者戎狄之道也禮道則不然人喜則斯陶陶斯咏咏斯猶猶斯舞舞斯愠愠斯戚戚斯嘆嘆斯辟辟斯踊矣品節斯斯之謂禮

猶古音搖
今如字

微情者微殺也謂節哭踊以故興物者興起也謂立衰經之制直情徑行謂哭踊無節衣服無制猶今讀如字若君子蓋猶猶爾之猶。有子欲去踊節直若孺子慕者子游謂其直情徑行非禮道也然此章言

人情之喜極而至辟踊辟踊豈生於喜者哉清江劉氏謂此有缺文喜至舞蹈是一節愠至辟斯踊矣是一節蓋以其憂喜各有次第而極也今誤以舞斯蹈為舞斯愠似得之補

人死斯惡之矣無能也斯倍之矣是故制絞衾設萋翣為使人勿惡也始死脯醢之奠將行遣而行之既葬而食之未有見其饗之者也自上世以來未之有舍也為使人勿倍也故子之所刺於禮者亦非禮之訾也

惡烏路反

倍與背同絞尸交反蓐音柳
食音嗣舍音捨訾似斯反

絞衾尸之飾蓐翼棺之飾子指有子而言刺譏也謂
有子譏踊節訾病也○人死為人所惡見其死而無
所復能則為人所倍喪之有飾使人勿惡祭之如生
使人勿倍子之所譏非禮之病也然孝子之於喪祭
非特為人惡之倍之而設此特一端爾

補

吳侵陳斬祀殺厲師還出竟陳大宰嚭使於師夫差謂
行人儀曰是夫也多言盍嘗問焉師必有名人之稱斯

師也者則謂之何大宰嚭曰古之侵伐者不斬祀不殺厲不獲二毛今斯師也殺厲與其不謂之殺厲之師與曰反爾地歸爾子則謂之何曰君王討敝邑之罪又矜而赦之師與有無名乎

還音旋竟音境嚭音被反夫差上音扶下初佳反與音餘

吳侵陳以魯哀元年斬祀謂斬其神祀之木厲疾厲也殺厲古謂以致死為勇竊意雖神祀亦蕩除之於民物可知也大宰嚭本吳臣此云陳大宰嚭孔氏曰此大宰嚭與吳大宰嚭名號同而人異鄱陽洪氏曰

大宰嚭乃吳夫差之宰陳遣使者正用行人則行人
儀乃陳臣也記禮者簡策差互故更錯其名當云陳
行人儀使於師夫差使大宰嚭問之乃善○吳既斬
祀殺厲於陳陳使至吳吳問其師謂何陳使者以殺
厲事微諷之吳許以反地歸其子陳使者即誦其師
之有名使終其善意

用方氏
說補

顏丁善居喪始死皇皇焉如有求而弗得及殯望望焉
如有從而弗及既葬慨焉如不及其反而息

顏丁魯人慨億貌息謂心與形俱息。此論孝子哀

殺有漸

孔氏

子張問曰書云高宗三年不言言乃讙有諸仲尼曰胡為其不然也古者天子崩王世子聽於冢宰三年

時君無行三年喪者故子張疑而問

方氏

知悼子卒未葬平公飲酒師曠李調侍鼓鍾杜蕢自外來聞鐘聲曰安在曰在寢杜蕢入寢厯階而升酌曰曠飲斯又酌曰調飲斯又酌堂上北面坐飲之降趨而出

平公呼而進之曰蕢曩者爾心或開予是以不與爾言
爾飲曠何也曰子卯不樂知悼子在堂斯其為子卯也
大矣曠也大師也不以詔是以飲之也爾飲調何也曰
調也君之褻臣也為一飲一食忘君之疾是以飲之也
爾飲何也曰蕢也宰夫也非刀匕是供又敢與知防是
以飲之也平公曰寡人亦有過焉酌而飲寡人杜蕢洗
而揚觶公謂侍者曰如我死則必毋廢斯爵也至於今
既畢獻斯揚觶謂之杜舉

知音智蕢音蒯飲去聲樂如字解之豉反

知悼子晉大夫荀盈魯昭九年卒平公晉侯彪侍與
君飲也鼓鐘樂作也杜蕢三酌皆罰也曩者爾心或
開予謂向意爾必開發我我固不問今汝趨出而不
言故問之也子卯不樂者紂以甲子日死桀以乙卯
日亡王者謂之疾日不舉樂褻嬖也忘君之疾疾憂
也與知防謂以宰夫而與知禁防之事侵官宜自罰
也解酒器揚解舉爵於君也謂之杜舉表此爵杜蕢
所舉也○知悼子在殯而晉平公作樂故杜蕢罰飲

其侍者且以越職自罰平公服善亦自罰且名其罰

爵以諂後世也

補

公叔文子卒其子戍請諡於君曰日月有時將葬矣請所以易其名者君曰昔者衛國凶饑夫子為粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制以與四鄰交衛國之社稷不辱不亦文乎故謂夫子貞惠文子

文子衛獻公之孫名拔諡者誅其行以易名君謂衛

靈公難謂魯昭二十年盜殺衛侯之兄摯也時齊豹作亂公如死烏班言上下之次制言多寡之節

石駘仲卒無適子有庶子六人卜所以為後者曰沐浴佩玉則兆五人者皆沐浴佩玉石祈子曰孰有執親之喪而沐浴佩玉者乎不沐浴佩玉石祈子兆衛人以龜為有知也

駘大來反
適丁歷反

駘仲衛大夫石蜡之族六人莫適立故卜為後者沐浴佩玉則兆言齋戒則得吉兆石祈子六人之一獨

以居喪不忍為之而反獨得吉兆故衛人謂龜為有

知也

鄭氏方氏

陳子車死於衛其妻與其家大夫謀以殉葬定而后陳子亢至以告曰夫子疾莫養於下請以殉葬子亢曰以殉葬非禮也雖然則彼疾當養者孰若妻與宰得已則吾欲已不得已則吾以二子者之為之也於是弗果用

亢音剛

養去聲

子車陳大夫子亢子車之弟孔子弟子下謂地下宰

即家大夫。○子亢度非可以口舌爭故使二人身自為殉。二人懼而自止。西門豹止嫁河伯事略類此人能以人之痛痒反而切諸身則害人之事息矣。補

子路曰傷哉貧也。生無以為養死無以為禮也。孔子曰啜菽飲水盡其歡斯之為孝。斂手足形還葬而無槨稱

其財斯之謂禮。

還音旋稱
尺證反

啜菽菽大豆以菽為粥而啜之也。飲水更無餘物也。還速也。○以其所以養養之至以其所以葬葬之至。

補

衛獻公出奔反於衛及郊將班邑於從者而後入柳莊
曰如皆守社稷則孰執羈勒而從如皆從則孰守社稷

君反其國而有私也毋乃不可乎弗果班

從才用反
勒丁歷反

獻公名衎以魯襄公十四年奔齊二十六年復歸羈
以絡馬勒以控馬以其從奔故言執羈勒。居者從
者皆不可無獻公出奔而歸將獨私從者柳莊諫而
止

補

衛有太史曰柳莊寢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以禭之與之邑裘氏與縣潘氏書而納諸棺曰世世萬子孫毋變也

革居力反
禭音

遂縣
去聲

革急也禭贈也以衣贈死者遂而不反故謂之禭裘縣潘皆邑名○當祭而告疾亟則失之遽不釋服而往遂則近乎褻獻公為之君子不以為非者恕其有

尊賢之心也

方氏

陳乾昔寢疾屬其兄弟而命其子尊已曰如我死則必大為我棺使吾二婢子夾我陳乾昔死其子曰以殉葬非禮也況又同棺乎弗果殺

乾音干屬之五反

陳乾昔之子不從父之亂命不陷父於不義記者善

之

陳氏鄭氏

仲遂卒於垂壬午猶繹萬入去籥仲尼曰非禮也卿卒不繹

仲遂魯莊公之子東門襄仲其卒在魯宣八年繹者
正祭之明日又祭如繹絲續而不絕故名繹萬千舞
無聲簫簫舞有聲○卿卒不當繹今猶繹而但去其
樂之有聲者故曰非禮

用鄭氏

季康子之母死公輸若方小斂般請以機封將從之公
肩假曰不可夫魯有初公室視豐碑三家視桓楹般爾
以人之母嘗巧則豈不得以其母以嘗巧者乎則病者
乎噫弗果從

般音班封音寔其母之母
音無方說如字今從之

公輸若匠師方小者其年尚幼歛謂下棺於槨般者
公輸若之族多技巧者見若掌斂事而尚幼欲代之
而設機關以下寔公肩假止而不作謂魯自有始初
舊制豐碑者斲大木如碑形植於槨之四角穿木中
間如輓轡下棺以緯繞此天子制也時諸侯僭天子
禮而公室視之桓楹者楹者亭郵之表柱四植謂之
桓斲木大如桓楹下於天子之豐碑此諸侯制也時
三家僭諸侯禮而三家視之此魯始初之制公輸般

奈何欲以人之母嘗試已之巧亦豈不得已乎已作
以古字通用也其母以人母嘗巧則於汝病者乎言
不得嘗巧豈於汝有病公肩假更噫以傷嘆於是衆
人遂止凡皆鄭氏孔氏之說以豈不得以絕句方氏
云般欲以人之母嘗巧何不以已之母嘗巧則病矣
此說不於以字絕句又不改以字為已字且上云以
人之母下云以其母文意相叶今從之

右用三家
之說補

戰於郎公叔禺人遇負杖入保者息曰使之雖病也任

之雖重也君子不能為謀也士弗能死也不可我則既
言矣與其鄰重汪錡往皆死焉魯人欲勿殤重汪錡問
於仲尼仲尼曰能執干戈以衛社稷雖欲勿殤也不亦
可乎

曷音遇為于偽反
重作重錡魚綺反

郎魯近邑戰於郎謂哀十一年齊國書帥師伐我曷
人魯昭公之子春秋傳作公叔務人負杖入保者兩
手負杖於頸走入城保以避齊師之人也息者因而
止息也使謂徭役任謂賦稅君子指卿大夫鄰重汪

跖重作童鄰之童姓汪名跖。郎之戰公叔禺人遇
避寇而入保者因言徭役使人病困賦稅責人煩重
卿大夫不能為謀士又不能致死是自全其身於理
不可既言之遂與鄰童汪跖赴齊師而死於理童子
為殤魯人見其死敵欲勿殤而以成人之喪治之問

於仲尼仲尼言其可

用孔氏說

子路去魯謂顏淵曰何以贈我曰吾聞之也去國則哭
於墓而后行反其國不哭展墓而入謂子路曰何以處

我子路曰吾聞之過墓則式過祀則下

展謂省視祀謂神位有屋樹者。子路問去之禮顏淵告以去則哭墓反則省墓顏淵就問以居之禮子路告以過墓式車過祀下車子路行者顏淵居者去主哀居主敬互相問交相輔如此

補

工尹商陽與陳棄疾追吳師及之陳棄疾謂工尹商陽曰王事也子手弓而可手弓子射諸射之斃一人韞弓又及謂之又斃二人每斃一人揜其目止其御曰朝不

坐燕不與殺三人亦足以反命矣孔子曰殺人之中又

有禮焉

射食亦反

工尹楚官名陳棄疾楚公子棄疾後立為平王初楚縣陳而封之故曰陳棄疾○商陽不忍傷人棄疾命之弓始弓命之射始射既斃一人而韋弓每斃一人而揜目及斃三人而自謂士之賤不與朝燕已足反命而不復射故孔子謂其於殺人之中尚有禮

補

諸侯伐秦曹桓公卒於會諸侯請舍使之襲

舍胡暗反

春秋魯成公十三年曹伯廬卒於師此云會廬謚宣此云桓恐皆誤請含朋友有相食之道也使之襲則非襲賤者之事也

本鄭氏胡氏說

襄公朝於荆康王卒荆人曰必請襲魯人曰非禮也荆人強之巫先拂柩荆人悔之

荆楚也康王楚子昭僭號王也魯襄公二十八年朝楚楚強之襲本以人臣之事待襄公襄公以桃茢拂除而臨之反以人君之禮臨楚故楚悔之

用陳氏說補

滕成公之喪使子叔敬叔弔進書子服惠伯為介及郊為懿伯之忌不入惠伯曰政也不可以叔父之私不將公事遂入

滕成公喪在魯昭三年子叔敬叔魯宣公弟叔肸之曾孫子者男子之通稱叔者其氏故冠以子叔進書者奉君之弔書惠伯慶父玄孫之子名椒介副也懿伯者惠伯之叔父忌者怨也○敬叔嘗殺惠伯之叔父名懿伯故舊有怨忌常為防備今敬叔使於滕惠

伯為介既及滕郊是由滕之主人平日防備不復在
已故忌其報仇見殺而不敢入惠伯遂開釋之謂今
奉君命政令不報叔父私讎敬叔乃敢入此一節明
不以私廢公

孔氏說

哀公使人弔蕢尚遇諸塗辟於路畫宮而受弔焉曾子
曰蕢尚不如杞梁之妻之知禮也齊莊公襲莒于奪杞
梁死焉其妻迎其柩於路而哭之哀莊公使人弔之對
曰君之臣不免於罪則將肆諸市朝而妻妾執君之臣

免於罪則有先人之敝廬在君無所辱命

蕢苦怪反辟音避畫音獲

奪徒外反與允同

奪隧也春秋傳魯襄二十三年齊襲莒杞殖華還載

甲夜入且于之隧隧與奪聲相近即隧也杞殖即杞

梁也○魯哀公使人弔蕢尚遇於路蕢尚畫地為宮

象而受之齊莊公使人弔杞梁之喪於路杞梁之妻

辭之禮不弔於路故曾子因蕢尚失禮而證以杞梁

之妻知禮補

孺子疆之喪哀公欲設撥問於有若曰其可也君
之三臣猶設之顏柳曰天子龍輅而棊幃諸侯輅而設
幃為榆沈故設撥三臣者廢輅而設撥竊禮之不中者
也而君何學焉

疆吐孫反輅勅倫反
沈昌審反中丁仲反

黃魯哀公之少子撥以撥發榆汁洒於道使輅車滑
而易行者也三臣魯三家孟孫叔孫季孫輅殯車天
子畫龍於輅為龍輅諸侯不畫龍止稱輅幃覆也天
子之殯以菽木為棊而幃之諸侯無棊設幃而已榆

沈者榆木名沈即潘蓋汁也水澆榆白皮汁○哀公
欲設撥有若以三家之設為比顏柳以三家之設為
非蓋天子諸侯之殯以輜車之重也故為榆沈以滑
之欲榆沈之散也故設撥以發之無輜則無用沈無
沈則無用發三臣既知輜之可廢而不知撥之不可
設是竊取禮之不中者故顏柳戒哀公之勿學也方氏
悼公之母死哀公為之齊衰有若曰為妾齊衰禮與公
曰吾得已乎哉魯人以妻我為于偽反
與音餘

悼公之母哀公之妾也惟大夫貴妾總諸侯於妾無服哀公服齊衰非禮有若譏而問之哀公文過謂魯人以其無夫人皆以為我妻不得不服也

鄭氏孔氏

季子臯葬其妻犯人之禾申祥以告曰請庚之子臯曰孟氏不以其罪予朋友不以其棄予以吾為邑長於斯也買道而葬後難繼也

長丁丈反

子臯孔子弟子高柴字子臯論語作子羔申祥子張之子庚償也○申祥請償民之禾是也子臯恃為邑

長而謂犯民之禾無傷非也葬妻私也公事猶不可妨民而況私乎且謂孟氏不我罪朋友不我棄而肆焉夫為長惟當恤民豈為人之罪我棄我而後為之哉謂後來為難繼尤順非而澤者也子臯未必然或

記者傳聞爾

補

仕而未有祿者君有饋焉曰獻使焉曰寡君違而君薨弗為服也

違去也。仕未受祿未純為臣故君饋不曰賜而曰

獻使命不曰君而曰寡君違而去之之他邦君薨不

為之服

方氏

虞而立尸有几筵卒哭而諱生事畢而鬼事始已既卒哭宰夫執木鐸以命於宮曰舍故而諱新自寢門至於

庫門

舍音捨

已語辭古注始已為句舍故謂高祖之父當遷庫門宮之外門百官及宗廟之次咸使知之

二名不偏諱夫子之母名徵在言在不稱徵言徵不稱

在

夫子曰不在顓臾而在蕭牆之內此言在不稱徵又

曰夏禮吾能言之杞不足徵此言徵不稱在

方氏

軍有憂則素服哭於庫門之外赴車不載橐龔

橐音羔
龔勅亮

反

憂謂軍敗庫門外門橐甲衣龔弓衣○車曰赴車若
告喪也哭於庫門外以喪禮處之而志在外不忘敵
也赴車不載橐龔示兵不戢不忘報也

有焚其先人之室則三日哭故曰新宮火亦三日哭

新宮火魯成公三年新宮宣公之廟也

孔子過泰山側有婦人哭於墓者而哀夫子式而聽之
使子路問之曰子之哭也壹似重有憂者而曰然昔者
吾舅死於虎吾夫又死焉今吾子又死焉夫子曰何為
不去也曰無苛政夫子曰小子識之苛政猛於虎也

重直

用反識

申吉反

而猶乃也夫之父曰舅○泰山婦人寧遭虎之累傷

不忍捨政之無苛揚雄論酷吏曰虎哉虎哉角而翼

者也與此同意

方氏

魯人有周豐也者哀公執摯請見之而曰不可公曰我
其已夫使人問焉曰有虞氏未施信於民而民信之夏
后氏未施敬於民而民敬之何施而得斯於民也對曰
墟墓之間未施哀於民而民哀社稷宗廟之中未施敬
於民而民敬殷人作誓而民始畔周人作會而民始疑
苟無禮義忠信誠慤之心以涖之雖固結之民其不解

乎

夫音符解

佳買反

而曰不可者周豐辭哀公之摯見而不敢當也我其
已夫者哀公疑其不可遽已於是又使人問焉也周
豐舉墟墓宗廟起人哀敬者以明人心自然不待告
詔故君之臨民當以忠信誠慤為本民心亦將自然
而感也然禹嘗誓師誓非始於殷禹會塗山會非始
於周周豐言此特舉世變之後徒為盟誓而信不由
中者謂始於殷周之衰爾

補

喪不慮居毀不危身喪不慮居為無廟也毀不危身為無後也

不慮居謂以廟為慮不以居室為慮不危身謂恐親之無後不敢以死傷生毀不滅性也

用方氏補

延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其坎深不至於泉其歛以時服既葬而封廣輪揜坎其高可隱也既封左袒右還其封且號者三曰骨肉歸復於土

命也若魂氣則無不之也無不之也而遂行孔子曰延

陵季子之於禮也其合矣乎

廣古曠反
隱於必反

延陵季子吳公子名札居延陵嬴博齊地深古去聲
讀謂掘土使深也不至泉言掘不甚深也時服古謂
時行之制竊意用當時所著之服如夏用夏之服不
更增以冬衣為歛也廣輪古注輪從也方氏謂廣言
其擴猶戶之東西輪言其從謂車以直行為順竊意
古注廣作去聲是廣為度其廣狹之稱廣輪揜坎者

言量度其廣濶僅及一車輪之地而揜其坎其封窔之地不濶大也。隱古注據也。蓋猶孟子隱几之隱。謂高四尺而手可據也。左袒者吉事。左袒季子達死生變吉。以自寬適。左袒訖乃右行圍繞其封三匝且號且言而遂行不少留也。○坎深不至於泉則不至於太深。歛以時服則不至於太厚。廣輪揜坎則不至於太大。其高可隱則不至於太高。左為陽故袒之以變吉。右為陰故還焉以示凶。骨肉為陰則降而聚。故言

復歸於土魂氣為陽則升而散故言無不之夫骨肉之復歸於土魂氣之無不之是人情之所哀者然季子號之止於三號訖遂行不少遼緩則臨喪之哀為不足矣禮為長子三年喪其服如此之重則哀感不可不稱孔子曰喪事不敢不勉又曰喪不若禮不足而哀有餘也今謂其葬於禮為合所以譏其哀不足也曰其合矣乎又疑辭也亦未必於禮盡合也夫延

陵之言蓋老莊之徒也

合方氏王氏說

邾婁考公之喪徐君使容居來弔含曰寡君使容居坐
含進侯玉其使容居以含有司曰諸侯之來辱敝邑者
易則易于則于易于雜者未之有也容居對曰容居聞
之事君不敢忘其君亦不敢遺其祖昔我先君駒王西
討濟於河無所不用斯言也容居魯人也不敢忘其祖

婁力俱反含胡
暗反易以跂反

邾婁邾國也考公者邾隱公益之曾孫考或為定徐
君徐國僭王號者也容居徐君之臣也坐含者坐而

親實含玉於亾人之口進侯王者徐自比天子謂邾君為已之諸侯言進侯氏以玉也上句寡君使者徐君使來含下句其使者令邾國使已得將命而含也易謂臣禮易簡易也于謂君禮于舒大也韓文于于然而來駒王徐先君僭號濟渡也西討渡河魯魯鈍也自明不妄○含不使賤者君行則親含大夫但致命以含玉授主人徐君僭王其臣容居欲親含邾考公故邾之有司拒之謂臣行臣禮君行君禮未聞雜

之者容居執迷猶自守其先世僭王之說

用鄭氏孔氏說補

子思之母死於衛赴於子思子思哭於廟門人至曰庶氏之母死何為哭於孔氏之廟子思曰吾過矣吾過矣遂哭於他室

子思之母嫁母也庶氏所嫁之家也嫁母與廟絕子思初哭於廟非也聞過而改哭於他室是也

補

天子崩三日祝先服五日官長服七日國中男女服三月天下服虞人致百祀之木可以為棺槨者斬之不至

者廢其祀刳其人

祝佐會斂力勞而先病故先服言祝則子可知此主人臣言之耳官長大夫士也國中男女王國之內庶人也天下諸侯之國也自三月而至七月不特恩有重輕服有先後亦以地有遠近則聞計有早晚也虞主山澤故斬百祀之木以供棺槨之用必取祀木者神祀處多樹木常時所不斬天子崩則幽明之所共哀故斬取之也然亦姑言其制云爾天子棺槨未必

待遠取諸百祀不至而廢其祀刳其人亦恐記者言之過木苟不至豈神之罪而廢其祀雖人之罪亦何至於死苟其行此民將不勝擾豈所謂死無害於人者耶

補

齊大饑黔敖為食於路以待餓者而食之有餓者蒙袂輯屨貿貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終不食而死曾子聞之曰微與其嗟也可去其謝也可

食

點其庶反而食奉食音
嗣奉芳勇反與音餘

蒙袂以袂掩面不欲見人也輯屨輯飲其屨力憊不能屨也貿貿困病而目不明之貌嗟來食雖閑而呼之非敬辭微與者微猶無蓋止其狂狷之辭言無得如此也○蒙袂則顏之厚輯屨則行之艱貿貿然來困餓瀕死較一言之失至於自傷其生非中道也曾子所以嘆其微其折衷之以嗟可去謝可食也然嗟而不去不謝而食世之有媿於餓者多矣身雖一死操

存千古使施小惠者不敢挾之以自矜傲竊幸苟生
之人脅肩諂笑之輩聞其餘風心寒股栗豈不盛哉

苟從曾子之言謝而復食其餘能幾

合張氏
黃氏補

邾婁定公之時有弑其父者有司以告公瞿然失席曰

是寡人之罪也曰寡人嘗學斷斯獄矣臣弑君凡在

官者殺無赦子弑父凡在官者殺無赦殺其人壞其室

洿其宮而豬焉盖君踰月而後舉爵

瞿紀具反
堞音怪

定公名覆且魯文十四年即位弑父下在官字孔氏

作在宮凡在官者殺無赦謂官府亦坐豬猶瀦言湊
其宮而瀦水。春秋時唯邾無弑逆之事故定公聞
其事而驚既自引咎教化之不至又極言大逆無道
之罪宜盡除其迹也

補

晉獻文子成室晉大夫發焉張老曰美哉輪焉美哉奐
焉歌於斯哭於斯聚國族於斯文子曰武也得歌於斯
哭於斯聚國族於斯是全要領以從先大夫於九京也
北面再拜稽首君子謂之善頌善禱

奐音換要一
違反京音原

太子趙武也曰獻文子者恐趙武謚獻文也發謂以
禮落成之也發與落皆有始意輪言廣大與言煥爛
九京九原也晉卿大夫墓在九原善頌謂張老之言
善禱謂文子之言○張老見文子宫室飾麗故佯美
之使終始永足如此勿復更造文子亦覺而順述其
言若得保此善終得從先大夫於地下幸矣乃拜以

謝

本孔
氏說

仲尼之畜狗死使子貢埋之曰吾聞之也故帷不棄為

埋馬也。敝蓋不棄為埋狗也。丘也貧，無蓋於其封也。亦

予之席，毋使其首陷焉。路馬死，埋之以帷。

蓋許六反
封彼鉤反

敝帷蓋埋犬馬各隨其小大，無蓋用席以義起。補

季孫之母死，哀公弔焉。曾子與子貢弔焉。閭人謂君在弗內也。曾子與子貢入於其廐而脩容焉。子貢先入，閭人曰：「鄉者已告矣。」曾子後入。閭人辟之，涉內雷。卿大夫皆辟位，公降一等而揖之。君子言之曰：「盡飾之道斯其

行者遠矣。」

內音納 鄉許亮反
辟音避 雷力又反

脩容更莊飾也。始為閭人所拒及既脩容不惟閭人下之避之卿大夫避位君亦降等而揖此明禮容之不可不飾

補

陽門之介夫死司城子罕入而哭之哀晉人之覘宋者反報於晉侯曰陽門之介夫死而子罕哭之哀而民說殆不可伐也孔子聞之曰善哉覘國乎詩云凡民有喪扶服救之雖微晉而已天下其孰能當之

陽宋國門名介夫衣甲之衛士子罕戴公子樂甫術

之後樂喜扶服猶匍匐手行也微猶非而已助語辭
○子罕宋之卿相介夫至賤子罕一哭之哀而民咸
悅之晉國覘之不敢伐孔子謂雖非晉國之強天下
亦孰能當之此明為國以得人心為本

孔氏
葉氏

魯莊公之喪既葬而經不入庫門士大夫既卒哭麻不
入

經君之葛經也不入庫門葬畢即除之也麻羣臣之
麻經也不入亦不入庫門也言魯君臣忘哀之速皆

不行三年喪也

方氏胡氏說

孔子之故人曰原壤其母死夫子助之沐椁原壤登木曰久矣予之不託於音也歌曰狸首之斑然執女手之卷然夫子為弗聞也者而過之從者曰子未可以已乎夫子曰丘聞之親者毋失其為親也故者毋失其為故也

也

狸力知反女如字
琴音權從才用反

沐治也所以修潔之也木椁材也登木履椁木材之上也託寄也叩木以作音謂遭喪以來久不得託之

音聲也。狸首之斑然，言木之美女手之卷然，言功之巧為弗聞也。而過之佯不知也。○原壤在喪而歌，從者見其無禮，止夫子毋為治椁。夫子若不聞以全故。

舊之愚

孔氏
葉氏

趙文子與叔譽觀乎九原文。子曰：「死者如可作也，吾誰與歸？」叔譽曰：「其陽處父乎？」文子曰：「行并植於晉國，不沒其身，其知不足稱也。其舅犯乎？」文子曰：「見利不顧其君，其仁不足稱也。我則隨武子乎！利其君，不忘其身，謀其

身不遺其友晉人謂文子知人文子其中退然如不勝衣其言訥訥然如不出諸其口所舉於晉國管庫之士七十有餘家生不交利死不屬其子焉

父音甫行下孟反并以正反植

直吏反知音智訥如悅反屬音燭

趙文子晉大夫趙武也叔譽即叔向晉羊舌大夫之孫名肸羊舌者邑名也陽處父晉襄公之太傅事見魯文公六年并猶專也植者剛直而自立者也不沒其身者陽處父剛而專已為狐射姑所殺不能以理

終沒其身是知不足也舅犯者晉文公之舅名犯事
見魯僖二十四年見利不顧其君者舅犯隨文公辟
難至反國及河而詐請亡要君以利是仁不足也趙
武子者士會也食邑於隨利其君不忘其身者襄二
十七年左傳云夫子之家事治言於晉國無隱情無
隱情利君也家事治不忘其身也謀其身不遺其友
者文七年士會與先蔑俱迎公子雍於秦在秦三年
不見先蔑及還亦不見懼其同罪而禍及故不見之

也謂文子知人者見其所善於前知其所舉於後也
管鍵也庫物所藏管庫之士守藏之吏也生不與之
交利死不以其子為屬凡皆主其舉士而言薦賢為
國非為交利非為子孫計也○叔譽以陽處父與舅
犯為可與歸文子謂處父不足於智舅犯不足於仁
不若隨武子之愈武子既有利君之仁又有不忘身
之智異於處父之智不足稱矣既有謀身之智又有
不遺友之仁異於舅犯之仁不足稱矣文子身退然

如不勝衣其言呐呐然如不出諸口而其所舉足以
盡衆賢蓋管庫之士賤而難知七十有餘家衆而難
辨文子所舉雖賤不遺雖衆不繆是亦合於智與仁
宜其以武子為與歸也

陳氏
方氏

叔仲皮學子柳叔仲皮死其妻魯人也衣衰而繆經叔
仲行以告請總衰而環經曰昔者吾喪姑姊妹亦如斯
末吾禁也退使其妻總衰而環經

學戶救反衣音咨
繆音穆陸並如字

叔仲皮魯叔孫氏之族叔仲其氏皮其名也學教也

子柳叔仲皮之子也叔仲衍者叔仲皮之弟子柳之叔也其妻子柳之妻魯人魯鈍人也衣古讀為齊衣衰者齊衰也繆古讀如膠木之膠然方氏謂兩服相交綢繆故名繆經則當音綢繆之繆此服之重者也總衰之布細環經則一股回環而不相綢繆此服之輕者也子柳之妻魯鈍為其舅叔仲皮服重服是也子柳惑於叔仲衍之言反使其妻改輕服非也是子柳雖受教於其父曾不若愚婦人之所為也此鄭氏以

來之舊說而諸家從之者也惟陸氏云據文子柳乃叔仲皮之師其妻乃皮之妻妻為其夫叔仲皮衣斬衰而繆經而叔仲衍以告子柳請以其妻為兄總衰而環經且言其妻嘗為吾姊妹亦服總衰小功之服然禮於夫之姑姊妹有服於夫之兄弟無服仲衍之請非也省室賈氏以陸說為長愚按若如陸說則學字不必改為數衣字不必改為衰繆字不必改為繆

集

成人有其兄死而不為衰者聞子臯將為成宰遂為衰
成人曰蠶則績而蟹有匡范則冠而蟬有綏兄則死而
子臯為之衰

成邑名孟氏食采之地子臯孔子弟子性至孝親喪
泣血三年范蜂也蟬蜩也○成邑人有不為兄服衰
者聞子臯至孝將為邑宰始為其兄服衰故成之人
譏之曰絲必盛之以匡蠶績絲作繭而無匡蟹背殼
似匡是蟹反為之匡冠必飾之以綏蜂頭上有物似

冠而無綏蟬喙長似綏是蟬反為之綏兄死宜為之

衰而不為衰反因子臯而為之衰

用鄭氏說

樂正子春之母死五日而不食曰吾悔之自吾母而不

得吾情吾惡乎用吾情

惡音烏

子春曾子弟子情真情言實也惡乎猶於何也○禮

親喪三日不食子春勉強至五日以非真情而悔之

不欺也曾子水漿不入於口者七日而不悔者非勉

強故也

孔氏陸氏

歲旱穆公召縣子而問然曰天久不雨吾欲暴尫而奚
若曰天則不雨而暴人之疾子虐母乃不可乎然則吾
欲暴巫而奚若曰天則不雨而望之愚婦人於以求之
母乃已疏乎徙市則奚若曰天子崩巷市七日諸侯薨
巷市三日為之徙市不亦可乎

縣音懸暴步
卜反雨去聲

問然之然古注然焉也陸氏曰問其所以然尫者面
仰天巫者主接神暴之於日覲天哀而雨之也巷市
者哀而罷市有急須之物於里巷之內市之也○求

雨而暴亟，疋皆虐而不可為，惟徙市以致哀戚之意，
為可耳。補

孔子曰：衛人之祔也，離之；魯人之祔也，合之。善夫。

祔，謂合葬離之者，有以間其椁，合之者，兩棺并置於

椁。善夫者，善魯人也。祔葬當合。

鄭氏
孔氏



黃氏日抄卷十五